

**3377. fundur bæjarráðs, haldinn í fundarherbergi 3. hæð, Stillholti 16-18,
27. júní 2019 og hófst hann kl. 08:15.**

Fundinn sátu:

Elsa Lára Arnardóttir formaður, Valgarður L. Jónsson varaformaður, Ólafur Adolfsson varamaður, Sævar Freyr Þráinsson bæjarstjóri og Steinar Dagur Adolfsson sviðsstjóri stjórnsýslu- og fjármálasviðs.

Fundargerð ritaði: Steinar Adolfsson, sviðsstjóri.

Fyrir tekið:

1. 1903119 - Fundargerðir 2019 - Sorpurðun Vesturlands hf.

Fundargerð stjórnar Sorpurðunar Vesturlands frá 3. apríl 2019.
Fundargerð stjórnar Sorpurðunar Vesturlands frá 19. júní 2019.

Fundargerðirnar lagðar fram til kynningar.

**2. 1905404 - Langtímaveikindi starfsmanna 2019 - ráðstöfun fjármuna
(veikindapottur)**

Umsóknir stofnana Akraneskaupstaðar í veikindapott vegna tímabilsins janúar til og með júní.

Sædis Alexía Sigurmundsdóttir verkefnastjóri tekur sæti á fundinum undir þessum lið.

Bæjarráð samþykkir að úthluta samtals kr. 18.160.000 úr veikindapotti Akraneskaupstaðar vegna tímabilsins janúar til og með júní 2019. Um er að ræða helming af heildarfjárhæð umsókna en ákvörðun um endalega úthlutun vegna tímabilsins verður tekin í lok árs þegar frekari upplýsingar liggja fyrir um heildarútgjöld stofnana vegna þessa á árinu.

Bæjarráð í umboði bæjarstjórnar samþykkir viðauka nr. 6 að upphæð kr. 18.160.000 við fjárhagsáætlun ársins 2019 vegna úthlutun úr veikindapotti. Útgjöldum verður mætt af óvissum útgjöldum 20830-1690 og fært á eftirfarandi stofnanir:

*04230-1691; kr. 6.212.000.
04220-1691; kr. 2.815.000.
04120-1691; kr. 1.995.000.
04130-1691; kr. 1.011.000.
04140-1691; kr. 494.000.
04160-1691; kr. 1.046.000.
04510-1691; kr. 357.000.
06510-1691; kr. 1.792.000.
06310-1691; kr. 76.000.
02530-1691; kr. 854.000.
02320-1691; kr. 369.000.
02020-1691; kr. 1.139.000.*

3. 1903285 - Reglur um styrk til heilsueflingar

Tillaga um endurskoðun reglna um styrki til heilsueflingar starfsmanna Akraneskaupstaðar.

Sædís Alexía Sigurmundsdóttir situr áfram á fundinum undir þessum lið.

Bæjarráð samþykkir breytingar á reglum um heilsueflingu starfsmanna Akraneskaupstaðar. Reglurnar eiga að taka gildi þann 1. janúar 2020 og er þeim því vísað til fjárhagsáætlunargerðar 2020 en gera skal ráð fyrir hækkun fjárheimildar á lið 21690-1790.

4. 1906161 - Jafnréttisáætlun Akraneskaupstaðar

Drög að Jafnréttisáætlun Akraneskaupstaðar lögð fram til kynningar.

Sædís Alexía Sigurmundsdóttir situr áfram á fundinum undir þessum lið.

Bæjarráð vísar drögum að jafnréttisáætlun Akraneskaupstaðar til umsagnar hjá fagráðum kaupstaðarins. Umsagnir skulu berast eigi síðar en 31. júlí næstkomandi.

5. 1905257 - Skagapassinn

Tillaga er varðar "Skagapassann".

Sædís Alexía Sigurmundsdóttir situr áfram á fundinum undir þessum lið.

Bæjarráð samþykkir að tekinn verði upp svonefndur Skagapassi sem veitir aðgang í Akranesvita, sundlaugina á Jaðarsbökkum og Byggðasafnið og geti veitt handhafa passans afslátt af matseðli þeirra veitinga- og kaffihúsa á Akranesi sem taka þátt í verkefninu. Bæjarráð samþykkir að passinn verði seldur á kr. 1.500 og á sérstöku heildsöluverði til fyrirtækja sem vilja selja passann í sinni verslun, samtals kr. 1.250.

Bæjarráð samþykkir að stofnuð verði sérstök deild innan málaflokks 13 undir heitinu Skagapassinn og verður hún nr. 13670. Fjárveitingu vegna framleiðslukostnaðar, m.a. prentun, hönnun og markaðssetning samtals kr. 200.000 verður ráðstafað af 20830-4995.

6. 1906120 - Írskir dagar 2019 - stöðugjald vegna söluvagna

Reglur um stöðuleyfi vegna Írskra daga 2018.

Sædís Alexía Sigurmundsdóttir situr áfram á fundinum undir þessum lið.

Bæjarráð samþykkir reglur og gjald fyrir stöðuleyfi söluvagna á Írskum dögum.

7. 1906181 - Gjaldskrá Tjaldsvæðisins yfir Írska daga

Tillaga að breytingu á gjaldskrá Tjaldsvæðisins í Kalmansvík yfir Írska daga.

Sædís Alexía Sigurmundsdóttir situr áfram á fundinum undir þessum lið.

Bæjarráð í umboði bæjarstjórnar samþykkir tillögu rekstraraðila um breytingar á gjaldskrá á Tjaldsvæðinu í Kalmansvík yfir Írska daga.

Breytingin er eftirfarandi:

1. Aldur barna sem fá frítt á svæðið í foreldrafylgd hækkar úr 13 í 15 ára.
2. Einingarverð fyrir tjald, hjólhýsi, fellihýsi eða húsbíl er fellt niður til einföldunar og í þess stað tekið aukið gjald pr. einstakling.
3. Helgarverð fyrir 16 ára (á árinu) og eldri er hækkað úr kr. 2.500 í kr. 4.500.
4. Önnur gjöld taka mið af gildandi gjaldskrá.